

Gohgi Dajndaem Mak Fungsou

三月果飘香 科技助增收



Cinco, youq gwnzgai Yungzanh Yen, gizgiz cungj raen gai makgingiz henjrwgrwg, cungj nyouq ndaej heiq makgingiz rangfwgfwg. Bi' gvaq, Yungzanh Yen haenqrengz doigvangq nungzyez gisuz moq, gyaraez aenmak youq gwnz gomak seizgan, mboujdanh sawj makgingiz youq gwnz gomak ndaej bauj singsien, lij ndaej daezsang makgingiz cizlieng caeuq canj-lieng, sawj nungzminz ndaej demsou baenzfouq.

Yungzanh Yen bi' gvaq ndaem makgingiz 8 fanh moux, sou mak 6.5 fanh dun, souhaeuj 2.5 ik maenz. (Yungzanh)

▲Bineix youh dwg bi baenzsou.

Bingzsiengz: Hoih Hoenghhwd Conz-dungj Minzsuz Yinx Hek Daeuj

凭祥: 传统民俗盛会引客来



▲Minzsuz vwnzvacez yinx daeuj seiq mienh bet fueng bouxhek.

lijmiz gyoengqvunz daj Ningzmingz、Lungzcouh、Dasinh、Denhdwngj、Cungzcoj、Nanzningz、Gvangjcouh、Fuzsanh nem Yeznanz Dungzdwngj、Liengzsanh daengj dieg daeuj baiqcae. Ngoenzhaenx, miz lai cungj lai yiengh minzsuz ndawbiengz hozdung.

Ndwen gonq ngoenz cieng cibseiq, Bingzsiengz Si youq Sangsiz Cin Bwz-digungh gawjbanh "Bwzdigungh Hoih-miuh Minzsuz Vwnzvacez". Neix dwg Bingzsiengz dieg henzguck aen hoih ceiq hoenghhwd ndeu, miz fanh lai vunz daeuj camgya, ndawde cawz le gyoengq beksingq dangdieg,

Lozcwngz:

Hagdangz Haihag Saw Ndei Gai

罗城: 学生开学 教辅书热销

Lozcwngz Mulaujcuz Swciyen cungh siujyoz hagdangz ngamq haihag ndaej geij ngoenz, saw ndaw diemqsaw ndei gai raixcaix, aenvih gyoengq hagseng youq mwh angqcoux haggeiz moq, cungj mbouj lumz cawx sawmoq, gyoengqde caeuq bohme itheij bae diemqsaw, cawx sawfuj-dauj, gyoengq hagseng siengj youq haggeiz moq lai doeg saw, hag ndaej cihsiz engqgya lai.

(Liu Gvanghfuz)



▲Hagseng nyaengq cawx saw.

Guh Dijyuz Doxdax Angqhoh Ciet "Sam Bet"

体育竞赛庆“三八”

3 nyied 8 hauh ciet mehmbwk, gih raeuz gak dieg gyoengq mehmbwk gawjbanh le gak cungj gak yiengh hozdung daeuj angqhoh ciet "sam bet". Yungzsuij Myauzcuz Swciyen gawjhengz mehmbwk minzcuz diyyuz doxdax, gyoengq mehmbwk roq gyong、bau aendomq、diuqcag, guh gij saujsu minzcuz conzdungj diyyuz doxdax neix daeuj angqhoh ngoenzciet. Bahmaj Yauzcuz Swciyen youq yienhsingz vwnzva gvangjangz gawjhengz diuq fouxndangcangq doxdax, dawz ndangcangq gyaundeidei、mbaet gwn mbaet yungh、gangj vwnzmingz comz youq ndangndeudei, ndaej daengz vunz lai haenhndei. Hwnzgyen Yauyij Cin youq Cinghdungz Cunh guh hozdung, gyoengq mehmbwk daj 10 lai aen mbanj daeuj daengz ndaw cunh doxcomz, guh daeuz lanzgiuz、bengcag、dauq hozbit daengj doxdax hozdung. Yizcough Si Fulenz bae daengz Liuz Sanhcej Yangh Mbanjdaemzbyamax gawjbanh vwnzyi vanjvei, miz 15 aen vwnzyidonz byaujyenj le 32 aen cezmu, caeuq dangdieg nungzminz itheij angqhoh ngoenzciet. Doengh gij hozdung neix, yienh'ok le gij cingsaenz funghmau ndangcangq gyaundeidei、vwnzmingz、haengjheiq baenaj gyoengq mehmbwk Mbanjcuengh, sawj gyoengqde engqgya saenq swheij, engqgya miz saenqsim、miz naengzlig guh ndei hong swheij.

(Cunghhoz)



▲Mehmbwk Bahmaj Yauzcuz Swciyen ciengq go diuqfoux hoh ngoenzciet. (Moz Sangvwnz ingj)



▲Mehmbwk Hwnzgyen guh daeuz lanzgiuz doxdax.



►Mehmbwk Yungzsuij guh bau aendomq doxdax.

Seizcin Hongnaz Nyaengq Raixcaix

春收春种农事忙

Mboengqneix, mbwn bienq raeuj, gih raeuz gak dieg nungzminz cungj cagaenj seizgan guh hongnaz. Ginhcouh Si Ginhbwzgi Nazmungz Cin gyoengq nungzminz nyaengq raixcaix, gyoengqde cingq nyaengq ciengjsou lwgmanh, yaek doeng naz okdaeuj ndaem gohaeux, ceng'aeu youq bineix ndaem haeux ndaej fungsou. (Ailinz)



▲Gyoengq nungzminz nyaengq sou lwgmanh.